

續名醫類案

卷十七

	S28
	1801
	1P17



續名醫類案卷十七

錢塘魏之琇編集

海昌王士雄孟英
定州楊照藜素園
同校

目

孫兆治國婆婆患眼冷淚眼科官治二三年不效上召孫孫
至曰臣非眼科但有藥耳客進方用石決明一兩赤小豆
兩半半夏五錢生斑猫二十一粒炒去頭足木賊五錢爲
末薑汁丸如桐子大每服二十九薑湯下方進聖旨下眼
科詳定奏曰此方與眼科甚不相涉斑猫有毒恐傷臟腑



南京中医药大学图书馆版权所有

不敢用合再取聖旨。國婆婆聞之曰。眼科醫官不惟不能。亦不愿使我治也。但合此藥。總傷無怨。上聞之。孫自進藥。

服經十餘日。愈八分。二十日全愈。時眼科並降兩官。孫賞。

錢三十萬。

雄按眼科雖降官其言未可爲非婆婆眼雖愈其方未可爲訓學者勿盡信書也。

賈材治家中女婢忽二目失明。視之又無暈翳。細思此女年少。精氣未衰。何緣得此症。良由性急多怒。有傷肝臟。故經脉不調所致。遂與蜜蒙花散一料。如舊光明矣。

張子和治女僮目忽暴盲。不見物。此相火也。太陽陽明血氣俱盛。乃刺其鼻中攢竹穴。與頂前五穴。大出血。目立明。

李民範日常赤。至戊子年火運君火司天。其年病目者。往往

暴盲火運災烈故也。季是年目大發張以瓜蒂散涌之。赤
立消。不數日又大發。其病之來也。先以左目內眥赤發。牽
睛狀如鋪麻。左之右次銳眥發赤。左之右赤貫瞳子。再涌
之又退。凡五次。亦五次皆涌之。又刺其手中出血。及頭上
鼻中皆出血。上下中外皆奪。方能戰退。然不敢觀書。及見
日。張云。當候秋涼再攻則愈。火方旺而在皮膚。雖攻其裡
無益也。秋涼則熱漸入裡。方可擒也。惟宜暗處閉目。以養
其神水。暗與靜屬水。明與動屬火。所以不宜見日也。蓋季
因初愈後曾冒暑出門。故痛連發不愈如此。涌洩之後。不
可常攻。使服鼠麴子以退翳。方在別集中。

趙君玉曰暴赤腫點洗不退偶思張語曰凡病在上者皆宜吐乃以茶調散涌之一涌赤腫消散君玉歎曰法之外其迅如此乃知法不遠人人自遠法耳

王之一子十餘歲目赤多淚衆工無效張曰此兒病目還當得之母腹中被驚其父曰姪娠時在臨清被圍乃令服瓜蒂散加鬱金上涌而下泄各去涎沫數升人皆笑之其母亦曰兒腹中無病何吐瀉如此至明日其目耀然爽明其日又與頭上出血及眉上鼻中皆出血吐時次用通經散二錢舟車九七十粒自吐却少半又以通經散一錢投之明日又以舟車九三十粒投之下十八行病更不作



士人趙仲溫起試病兩目赤腫睛翳不能識路大痛不任欲
自尋死一日與仝僮釋悶坐於茗肆中忽鉤窗脫鉤而下
正中溫額上髮際裂三四寸紫血流數升血止目快能通
路而歸來日能辦屋脊次見瓦溝不數日復故此不藥不
針誤出血而愈夫出血者乃發汗之一端也亦偶合出血
法耳。

一小兒名德孫眼發赤其母買銅綠欲洗兒目煎熟家人誤
與兒飲之須臾大吐吐訖立開

婁全善男曰珠至夜疼連眉稜骨及頭半邊腫痛用黃連膏
點之反甚諸藥不效灸厥陰少陽疼隨止半日又作月餘

以夏枯草二兩香附二兩甘草四錢爲末每服錢半清茶調下咽疼減半四五服良愈

一男子所患與前症皆同但黑睛有白翳二點諸藥不效亦以此藥與東垣選奇湯加四物及黃連煎間服並灸厥陰少陽而安

王海藏妻姪女形肥笄年時得目疾每月或二月一發發則紅腫難開如此者三年服除風散熱等劑左目反有頑翳從銳眥遮瞳人右目亦有翳從下而上經云從內走外者少陽病從下上者陽明病此少陽陽明二經有積滯也脉短滑而實鼓還則似短濇潔古云短爲積滯遏抑臟腑宜

下之遂用溫白丸減川芎附子之二多加龍胆草黃連如東垣五積法從二丸加起每日加一服加至大利然後減丸又從二丸減起忽一日于利中下黑血塊若干如黑豆大而堅硬從此漸痊而翳盡去

以上三則皆醫學綱目

盧州知錄彭大辦在臨安暴得眼赤後生翳一僧用蘭香子

本名羅勒又名香菓又名名醫子草

洗曬每納一粒入眥內閉目少頃連膜

而出一方為末點之李時珍嘗取子試之水中亦脹大蓋

此子得濕即脹故能染惹眵淚浮膜耳然目中不可著一

塵此子可納三五顆亦不妨礙亦一異也

本草綱目

張大復云子曰初眇有教服三花五子丸者或云緩甚寧益



南京中醫藥大學圖書館藏

于用乎遂止揚州張斗嶽謂予淮僧某者久眇哲然問之
則服三花五子丸也此古本所載耳而修合之法稍異則
效不效應焉比歸請以相與予病且老無事于方然願得
之以濟同病者張信士通劔術其言多不妄

筆談

張三丰真人治目疾碧雲膏臘月取羯羊膽十餘枚以蜜裝
滿紙套籠住懸簷下待霜出掃下點之神效

即二百味草
花膏另一製

法

兗州朱秀才忽不見物朝夕拜天因夢神傳方用好礬硝一

面銅器鎔化入飛過黃丹二分片腦二分銅匙急抄入確

內收之每點少許即愈

張三丰
仙方

宋丞相言黃典史病外障翳夢神傳一方用太陰玄精石陰
陽火煨石決明各一兩、蕤仁黃連各二兩、羊子肝七個、竹
刀切晒爲末粟米飯丸梧子大、每卧時茶服二十九服至
七日、烙頂心以助藥力、一月而愈、朱氏集驗方

魏全家富母忽然失明、王子貞卜之曰、明年三月一日、從東
來衣青者、療之必愈、至時候見一人著青綢襦、遂邀爲重
設飲食、其人曰、僕不解醫、但解作利耳、爲主人作之、乃持
斧就舍求犂轆、見桑曲枝臨井上、遂斫下、其母兩眼煥然
見物、此曲枝桑蓋井之所致、朝野僉載

王聖集要詩云、赤眼之餘翳忽生、草中鵝不食爲名、塞於鼻

中頻頻換。三日之間復舊明。又倪惟德原機啟微方。用鵝

不食草

本名石胡荽

曬乾二錢、青黛川芎各一錢、爲細末、噙水

一口、每以米許啗入鼻內、泪出爲度、一方去青黛

本草綱目

經驗方治目障翳、以熊膽少許、淨水畧調開、盡去筋膜塵土

入冰片一二片、或淚痒則加生薑汁些少、時以銅筋點之

絕奇、赤眼可用、余家二老婢俱以此效、熊膽善辟塵、試之

之法、淨一器、塵其上、投膽一粒許、則凝塵豁然而開

同上

朱丹溪治飛絲入目、紅腫如眦、痛癢不開、鼻流清涕、用京墨

濃磨以新筆塗入目中、閉目少時、以手張開、其絲自成一

塊、看眼白上、却用綿輕輕拭出、卽愈、如未盡再治、又飛

絲入目。用頭垢點入目中。卽出神效。又眯目。鹽與豉置水中。浸之。視水其渣立出。同上

龔子才治一人兩眼角出烟霧。此肝火也。以柴胡黃連等分。

大劑水煎。臨臥頻頻服之。數劑乃瘥。仍宜入血藥爲要

華州陳明遠瞽十年。漢卿視之曰。可針也。爲翻睛刮翳。歛然。

辨五色。同上

福建按察使沈文敏。其母隨養時。雙目失明。延一醫療之。云。

障翳已重。藥不能效。乃先藥之。使不知痛。尋以物撥轉眼。

睛向內。一面向外。封閉三日而開。視物無一不見。云眼睛。

惟兩角有筋係之。故可撥轉。然非削鼻聖手不能也。菽園

襍記



京師法雲寺僧律師、失明數年、夢中有人授一方、治內外障、

但神水在者皆可療焉、二兩、二兩上脫一味疑為首烏抄本但字下空一字又焉字

鳥字之訛蔓青子、枸杞、蒺藜、甘菊、荆芥、穗各一兩、當歸、地黃、川

芎、赤芍、防風各一兩半、十一味末之、水麴糊丸、桐子大、空

腹食前溫水下三二十丸、僧服之、目復明、因目曰夢靈丸

元遺山續

更堅志

白彥良壯歲常患赤目、一道人曰、但能不赤頭、則不病此、彥

良記之、七十餘更無眼疾、延壽書

有人年八十餘、眸子瞭然、夜讀蠅頭字、云、別無服藥、但自小

不食畜獸肝、人以本草羊肝明目疑之、余曰、羊肝明目性

也。以食百草故他肝不然。畜獸臨宰之時，忿氣聚於肝。肝主血。

不宜于目明矣。延壽書

陳坡次女痘後餘毒上攻，遂成內障。遍試諸藥半月不驗。後

得老醫一方，用蛇蛻一具，淨洗焙燥，又天花粉等分，細末

之以羊子肝破開，入藥在內，麻皮縛定，用泔水煮熟，切食

之，凡旬餘而愈。其後程甥亦用此效。槎菴小乘

萬密齋治孫撫軍淮海患目疾，因宦學政時多閱卷而得。今

每閱文案則眼珠脹痛，用八珍湯爲主人參、茯苓、炙甘草

酒洗當歸、酒炒白芍、酒炒生地、黃去白、木以其川芎以其

加麥冬、五味子、柏子仁、棗仁、黃連減半，共十一味。孫曰：何



不用菊花蔓荊子曰凡目疾有外因內因由風熱得之爲

外因宜發散所謂火鬱則發之也由久視傷血得之爲內

因宜以養血爲主所謂目得血而能視也服十數劑全愈

孫文垣治吳小峰與弟小川俱病目專科治之益甚其目始

紅腫次加太陽痛繼以白星翳叠出脉之小峯濡緩而大

兩目血縷入貫瞳人薄暮則痛虛小川則洪大鼓指黑珠

有浮翳膜隱澁難開大小便皆不利實故于小峯用補先

以清肝散與之夏枯草五錢香附四錢甘草錢半細茶五

分以撤其痛治藥兩進而痛止方法與前費全善案同繼用人參茯

苓熱地杞子桂心牛膝破故紙白蒺藜丹皮治本則桂紙蒺藜當酌用

于小川用瀉。內用瀉肝湯及當歸龍薈丸。外用象牙冰片。

末點之。

凡點眼藥
研須極細

七日全愈。經云實者正治。虛者從治。小

川之症。唯厥陰肝火熾盛。肝常有餘。有餘者瀉之。正治也。

小峯則下虛。又爲怒所激。怒則火起于肝。肝爲藏血之地。

故血絲貫瞳人。而薄暮作痛。故先用清肝散。以去其痛。再

用甘溫補下元之虛。俾火得歸原。此從治也。若用苦寒降

火之劑。恐血凝而痛加。且火激而愈熾矣。

姪孫眼紅腫脹。或以苦寒治時疾之劑與之。眼愈腫。且增兩

太陽痛。再加石膏病不減。且遍身脹悶。寢食俱廢。脉之弦

大無力。乃用蔓荊子。桑白皮。柴胡。香附。夏枯草。甘草。芽茶。

一帖痛定。兩帖腫消。四帖全愈。

一女孩右目紅腫。腹中飽。乃能開。飢則不能開。此疳積寒症也。以夏枯草二錢。甘草穀精各一錢。香附一錢五分煎服。

四帖而安。

孫氏婦年過四旬。眼赤腫。太陽痛。大便三日不行。經水四日未止。諸治不效。右目內眦突生一白泡。垂與鼻齊。大二寸。

餘耑科見而却走。以爲奇疾。時眩暈。不能少動。動則嘔吐。

益劇。孫脉之兩寸關俱滑。大有力。兩尺沈微。此中焦有痰。

肝胆有火爲怒所觸而然。經云諸風掉眩皆屬於肝。諸逆。

衝上皆屬于火。蓋無痰不作暈也。

然却未

其白泡乃火性急。

